

Confirmation *Prigent, un autre*

KANTIG AR GONFIRMASION

(DONEZONO AR SPÉRED-SANTEL)

War don : *Kantig ar Fe.*

Dé ma c'hoñfirmasion, dé a joa d'am c'halon,
Ar Spéred-Gloan em iné gand hé zeiz donezon
A zisken euz ann éñvo évid ma c'hoñfortin ;
O ! dé mil gwéeh evuruz, biken n'az ankouaiñ.

A bép sord fallagriez ar béd-mañ kén môret
Var hent ma bué 'lak d'in dré-holl pécho stignet ;
Na ziskoé d'am daou lagad némed falz-sklerijen :
Roed d'in, Spéred-Santel, ho *furnez* d'am c'hélenn.

Dréz-hi hég-kén em bézo ar wir anoudégez
Euz risk mado ann douar 'vid ma zilvidigez ;
Dréz-hi, gand gwir éspéranz, bété fin ma bué
Akétuz mé 'labouro évid gloar ma Doue.

'Vel eunn treust em daou lagad, sioaz d'in ar péc'hed !
Euz ann treo 'zo diskleriet 'harz ouz-in ar gwéled ;
Ma Doué 'vid ho c'hrédi, 'vid ho heuill penn-da-benn,
'Vid ho c'hompren déréad reid d'in ho *sklerijen*.

Dré ho komzo lugernuz, pébez burzud neuzé !
Ann nôz 'guitai ma spéred évid rei lec'h d'ann dé ;
Neuzé, évid ma iné, ar péz a oa dister
A zeu' 'vid gwir da véa ar péz 'zo meurbéd ker.

Trédé Ferson ann Drinded, dré-holl béd ma réner ;
'Vid kerzet primm enn hent sur digan-hec'h mé 'éesper
Skiend ar wir garanté, skient ma dévério,
Ar skient-sé hanvet mād *skient* treo ann éñvo.

Ma spéred paour, dré natur, da ziski kén gorek,
Sentuz euz ar skient-sé, héb dalé 'vo gwiek ;
Rak m'am euz spéred Doué évid ma c'hentelia
N'hallan kéd chom pell héb goud ann treo talvoudéka.

Enn ésped d'am dallenté, ma Doué, mé hén goar,
N'hallan, 'vel eur gwir gristen, labouret 'vid ho kloar,
Evid ma zilvidigez, ha skoér vād ma nésa,
Ma n'am euz éñ péb amzer ho *kuzul* da genta.

Piou, éveld-hoc'h, d'in 'laro éñ pé stad ma bué
A glé béa tréménéd 'vid heuill ho polonté ;
Piou némed-hoc'h d'in a héll c'hoéza ar stumm gwella
Da ober pép tra d'hé goulz ha d'hén zantifia.

Enébourien ma iné, dalc'h-mâd 'vel eunn déluj,
Hép paouez na nôz na dé 'glask ann tu d'am distruj ;
Diraz-he, ô Spéred-Gloan, ho *nerz* d'in a zo réd ;
Reit-hi d'ho paour reuzeudig ha n'hén dilézed kéd.

Dréz-hi, 'vid difenn ho fé, mil gwéeh, ma vé réd d'in,
Gand ar vrâsa joa 'vid-hoc'h ma bué a roiñ ;
Dréz-hi d'ar spont, d'ann énou ha d'ann holl loskenté,
'Vid ober ho polonté, 'viñ tréc'h éñ péb maré.

'Vid m'ho servijiñ bemdé gand mui a lévénéz,
Gand mui a résped, a hast, hag a virvidigez,
Gréd d'in blasaat, ma Doué, ar wir *zévosion*,
Gréd d'hé blaz mond var gréski bépréd 'barz em c'halon.

Dréz-hi ann holl vertuio a zeu da véa gae,
Evel ann holl c'hladur dindan glizen miz mae ;
Dréz-hi a veuré da nôz huanad ar c'hristen
'Nij béteg ho kalon zakr primm 'vel eur goulmig oen.

Dirag ar vâd hag ann drouk, peurvuia 'vel kousket,
Dréz-on ma-unan n'am euz nép spont rag ar péc'hed ;
D'am harz da gwéa enn-han, mé ho péd, léked don,
'Vel zintr d'ann holl vertuio, ho *toujanz* em c'halon.

Ra viñ, 'vel eur bugel mâd, enn ho kéver doujuz,
Ha dreist pép tra 'nn ho kéver meurbéd karanteuz ;
Ra vo héb fin ma c'halon leun a anoudégez
Éñ kéver 'nn Hini 'ro d'in penn-kenta ar furnez.

Teurvéed, ô ma Doué, kuruni ar goél-mañ
Enn eur skul stañg ho pénnoz var gémend omb amañ,
Var ann dorn a zo hirié zaved a uz d'hon fenn,
Var gérend ha mignoned, ha mâd-obérourien.

Euz foñs hon c'halonigo eur voéz a zav ivé,
Klemmuz, 'vel ar glaz, ho péd da zélléd a drué
Euz ann anaon er flamma, dizéc'hed ô c'hortoz
Ar c'houlz d'ho kwéled héb fin éñ gloar ho paradoz.

ÈVEL-SÉ BÉZET GRET.

IMPRIMATUR.

Saint-Brieuc, le 48 Octobre 1883.

Aug. DUBOURG, *Vicaire-Général*.